

柳田文庫  
文庫11  
D 316  
3



文庫11  
D316  
3

柳田泉文庫

010190566752

忠武誌卷之四

忠武誌卷之四

遂寧張鵬翮輯  
潘陽劉廷璣  
上虞陳天祺 全校



器成於人象麗於天古人制器所以尙象也維忠武侯智乃天  
錫八陣一圖上追風后木牛流馬負絕公輸他如刀劍鼎金箭  
弩枕扇以及鎮蠻鉦鼓低門剥米之類或尙存其跡或僅傳其  
名或猶遵其制陳壽云工械技巧物究其極信然誌遺制

忠武誌

卷之四

遺制

八陣圖



貴制


推演八陣始於隊伍而成營陣伍者五行生成之數也陣者八卦之象也遊兵者二十四氣之數也所以五人爲伍十伍爲一隊加五旗軍而五十有五終於生成之數也八隊爲一陣有四百四十八人八陣爲一部有三千五百二十人而爲小成可變兩陣也八部爲一將有二萬八千一百六十人而爲中成八陣齊可變也終於六十四卦也八將爲一軍有二十二萬五千二百八十人而爲大成故韓信曰多多益善其布列營陣以將臺左列四陣右列四陣分作兩層駐劄而爲小將左列四部右列四部亦分兩層而爲中將左列四將右列四將亦分兩層而爲大將其制陣以千人可布

六華陣每面用六十步以小成三千五百二十人可布八陣每面用一百二十步以中成二萬八千一百六十人每面用六百步以大成二十二萬五千二百八十人每面用一千二百步其小成每隊相離十八步中成每陣相離八十六步大成每部相離一百七十一步內餘數步加中軍而爲閑也以天後衝四隊東北西北風雲各二隊定作一號以地後衝四隊東北西北風雲各二隊定作二號以後地軸地後衝各二隊左右後天衝各二隊定作三號以後地軸四隊左右後天衝各二隊定作四號以前地軸四隊左右前天衝各二隊定作五號以前地軸地前衝各二隊左右前天衝各

二隊定作六號以地前衝四隊東南西南風雲各二隊定作七號以天前衝四隊東南西南風雲各二隊定作八號書於本隊旗上布陣下營不得錯亂聞中軍舉號每陣皆間隊一二五六號先出三十六步止單擺開戰畢仍收作八陣爲第一陣二次舉號三四七八號出過第一陣前三十六步止單擺開戰畢仍收作八陣爲第二陣三次舉號第一陣又間隊每陣出五六號過第二陣前三十六步止單擺開戰畢仍收作八陣爲第三陣四次舉號第二陣又間隊每陣出七八號過第三陣前三十六步止單擺開戰畢仍收作八陣爲第四陣次視中軍舉起火點鼓每陣又間隊一三五

七號不動二四六八號出前行十八步止天前衝四陣居前天後衝四陣居後天衝十六陣居兩端地軸十二陣居中間地前衝六陣居前地後衝六陣居後風八陣居四維雲八陣居四角自然而成八陣之規也遊兵二十四陣分列兩哨每哨十二陣三陣定作一號共作四號分列兩層進止開闔間隊與八陣皆同惟下營之際掣環於後而伏之取勝衝擊全在乎遊兵也

天覆陣



八陣變例

天覆陣贊

天陣十六

內方外圓

四為風揚

其形象天

為陣之主

為兵之先


善用三軍

其形不偏

內外之分為第一變


外之分變為天覆陣有風無雲用總陣外面之隊以右天前衝  
 二隊列前居正南以東南西南風各二隊列天衝兩維以左右  
 前天衝各四隊列前中以左右天前後衝各二隊列兩端以左  
 右後天衝各四隊列後中以左天後衝二隊列後以東北西北

風各二隊列後兩維謂風附天而形圓也



地載陣

衝後地左



忠武志

卷之四 遺制

六

地載陣贊

地陣十二

其形正方

雲主四角

冲始

當

其體莫測


動用無常

獨立不可

配之於陽

內之分變為地載陣有雲無風用總陣中間之隊以左地後衝  
 三隊列前居正北以東北西北雲各二隊列地後衝兩角以左  
 右後地軸各三隊列左右中以左右前地軸各三隊列後地軸  
 之左右以左右地前後衝各三隊列軸之兩端以右地前衝三  
 隊列後以東南西南雲各二隊列地前衝兩角謂雲附地而形  
 方是也

風揚陣





風揚陣贊

風無正形

附之於天

變而為蛇

其意漸元

風能鼓物

萬物撓焉


蛇能為繞

三軍懼焉


左右之分為第二變

右之分變為風揚陣有風無雲用總陣右一半隊以右天前衝  
 二隊列前居正西以西北西南風各二隊列天前衝兩維以右  
 前地軸三隊列前中以右前後天衡各四隊列地軸左右以東  
 北東南風各二隊列天衡兩端以右後地軸三隊列後中以右  
 地前後衝各三隊列地軸兩維以右天後衝二隊列後謂風附

衡而形銳是也



雲垂陣



雲垂陣贊

雲附於地

始則無形

變為翔鳥

其狀乃成

鳥能突擊


雲能晦冥

千變萬化

金革之聲

左之分變為雲垂陣有雲無風用總陣左一半隊以左天後衝  
 二隊列前居正東以左地前後衝各三隊列天後衝兩維以左  
 後地軸三隊列前中以左前後天衝各四隊次列後地軸之左  
 右以左前地軸三隊列天衝之中以東南東北雲各二隊列天  
 衝兩端以左天前衝二隊列後居正西以西南西北雲各二隊  
 列天前衝兩維謂雲附衝而形有聚有散也

龍飛陣



飛龍陣贊

天地後衝

龍變其中

有爪有足

有背有脊

潛則不測

動則無窮

陣形赫然

象名為龍


前後之分為第三變

後之分變為龍飛陣有雲無風用總陣後一半隊以東南東北雲各二隊列東南為兩翼以左後天衝四隊列前為首以左天後衝二隊列天衝次以左地後衝三隊列天衝次以左右後地軸各三隊列地衝中以右地後衝三隊列地軸次以右天後衝二隊列地衝次以右後天衝四隊列後為尾以西南西北雲各

二隊列天衡二維為翼謂雲從龍而形象龍也

前之二隊... 後之二隊... 天此... 乘時... 前之二隊... 後之二隊... 天此... 乘時...

虎翼陣



忠代志 卷之四 遺制

虎翼陣贊

天地前衝

變為虎翼

伏虎將搏

盛其威力

淮陰用之


變為無極

垓下之會

魯公莫測

前之分變為虎翼陣有風無雲用總陣前一半隊以西北西南風各二隊列西北二維為前足以右前天衡四隊列前為首以右天前衝二隊列天衡之次以前左右地軸各三隊列中之左右以左右地前衝各三隊列地軸兩廂為翼以左天前衝二隊列地軸之次以左前天衡四隊列後為尾以東北東南風各二隊列天衡二維為後足謂風從虎而形象虎也

鳥翔陣



烏翔陣贊

鷲鳥將搏

必先翺翔

勢凌霄漢

飛禽伏藏

審之而下

必有中傷

一夫突擊


三軍莫當

四隅之全為第四變

東北西南二隅變為烏翔陣有雲無風用總陣二隅之隊以左  
 天後衝二隊列前居東北為首以右天前衝二隊列後為尾以  
 左後地軸三隊列天衝右以右前地軸三隊列天衝左以左後  
 天衝四隊列地軸右以右前天衝四隊列地軸左以左地後衝  
 三隊列天衝右以右地前衝三隊列天衝左以東北東南雲各

二隊列地衝右為羽翼以西北西南雲各二隊列地衝左為羽  
 翼謂雲附衝而形象烏翔也

### 蛇蟠陣



### 蛇蟠陣贊

風爲蛇蟠

附天成形

勢能圍繞

性能屈伸

四奇之中

與虎爲隣

後變常山


首尾相因

西北東南二隅變爲蛇蟠陣有風無雲用總陣二隅之隊以右後地軸三隊列前居西南爲首以左前地軸三隊列後爲尾以右後天衝四隊列地軸右以左前天衝四隊列地軸左以右地後衝三隊列天衝右以左地前衝三隊列天衝左以右天後衝二隊列地衝右以左天前衝二隊列地衝左以西北風二隊列天衝右以西南風二隊列天衝左以東北風二隊列西北風右

以東南風二隊列西南風左謂風附軸而形象蛇蟠也

風流狀如 惟天久深 萬變皆以 首尾時因

漢書




忍丸詰

卷之四




八陣正變總圖載在郿縣舊本

陣揚風變分之法



為天覆陣



八陣號令

凡遇操練之日侵晨赴各地方每隊七行七層以三千人之上四隊合爲一隊二萬人之上四陣合爲一陣二十萬人之上四部合爲一部俱分兩層駐劄聞中軍號笛響馬步官旗詣中軍聽發放訖回還各隊傳令諭衆不許喧嘩及錯亂隊伍聞中軍第一聲呼囉響各隊步兵皆集騎兵解絆牽馬第二聲呼囉響步兵舉旗騎兵乘馬第三聲呼囉響點鼓間隊出緩行一鼓一蹻至十八步中軍放砲一箇磨旗三次發喊三聲戰聲喇叭響發鼓急行十八步金響止單擺開鑼響放銃弓弩槍牌皆作戰勢官軍齊唱護護護三

聲喇叭響發喊搖鉞响收隊駐爲第一陣再點鼓後面隊盡出緩行過第一陣前十八步放砲一箇磨旗一次發喊一聲戰聲喇叭響發鼓急行十八步金响止單擺開鑼響放銃弓弩槍牌皆作戰勢齊唱殺殺殺三聲喇叭響發喊搖鉞响收隊駐爲第二陣三次點鼓後第一陣又間隊出緩行過第二陣前十八步放砲一箇磨旗一次發喊一聲戰聲喇叭响發鼓急行十八步金響止單擺開鑼響放銃弓弩槍牌皆作戰勢齊唱笑笑笑三聲喇叭響發喊搖鉞响收隊駐爲第三陣四次點鼓後第二陣亦間隊出緩行過前三陣前十八步放砲一箇磨旗一次發喊一聲戰聲喇叭响發鼓


急行十八步金響止單擺開鑼響放銃弓弩槍牌如前作勢齊唱訶訶訶三聲喇叭響發喊摔鉞響隊駐爲第四陣中軍放起火三枝點鼓每陣皆間隊出前行十八步止各趨原分地方下營左右前後縱橫擺成行列面俱朝外金響止戰聲喇叭響單擺開如陣總圖隅落鈎連以成八陣之規喇叭響發喊摔鉞響收隊若欲衝演變陣者先整前哨金鼓旗二對響器二副金二口鑼二面鼓十二面摔鉞二箇大銃四口中軍金鼓旗旛如舊聽本哨官入天陣內用次中軍舉元黃二色旗爲一變天覆地載二陣放砲一箇點鼓該天陣隊往南緩行布天陣該地陣隊往北緩行布地陣各

至地界磨旗一次發喊一聲戰聲喇叭響發鼓急趨下營金響止單擺開鑼響放銃弓弩槍牌皆作戰勢齊唱護護護三聲喇叭響發喊摔鉞響收隊中軍放起火三枝二陣皆動復回總陣打得勝鼓吟囉喇叭號笛齊響各歸原地若再變陣亦如前撥旗鼓響器等件聽左哨官入陣用中軍舉五綵五鞏二旗則爲第二變風揚雲垂二陣放砲一箇點鼓該風陣隊往西緩行布風陣該雲陣隊往東緩行布雲陣其進止動盪回營號頭皆准前例但唱殺殺殺三聲若再變陣右哨官入陣中軍舉青白二旗爲第三變龍飛虎翼二陣放砲一箇點鼓該龍陣隊往東南布龍陣該虎陣隊往西

北布虎陣但唱突突突三聲其進止動盪號頭皆同前例若再變陣後哨官入陣中軍舉赤黑二旗為第四變鳥翔蛇蟠二陣放砲一箇點鼓該鳥陣隊往東北布鳥陣該蛇陣隊往西南布蛇陣但唱訶訶訶三聲其號頭皆與前同

至賦長春感一火公想一林想春陣八響發鼓不發金響也


### 彌牟八陣圖



遺制

在廣漢者即彌牟圖隆土為魁基以江右四門二首六十四卦塊八八  
 成行兩陣俱立周圍四百七十二步其魁百有二十八在魚復者  
 因江為勢積石憑流前蔽壁門後依却月可以識縱橫皆八魁間  
 二丈偃月內面九六鱗差七八以為經八陣兵為八列中道則七  
 正陣故曰經九六以為緯游軍九列復加六隊奇兵故曰緯

魚復江八陣圖



騎兵二十四陣




思武記


卷之四

九

方陣圖



八陣開門四分正四奇四冲圖



忠正言

卷之四


三

武經總要


卷之四

三


圓陣圖




曲陣圖



直陣圖




銳陣圖






唐太宗問曰陣數有九中心零者大將握之四面八向皆取準焉  
 陣間容陣隊間容隊以前為後以後為前進無速奔退無遠走四  
 頭八尾觸處為首敵冲其中兩頭皆救數起於五而終於八何謂  
 也李靖對曰諸葛亮以石縱橫布為八行方陣之法即此圖也  
 四維為正四方為奇乾之天坤之地巽之風艮之雲四正陣也震  
 之龍兌之虎離之鳥坎之蛇四奇陣也中間奇零握奇陣也四正  
 四奇所以分布之用握奇所以立陣之體也


遊騎十二陣分屬各陣圖



圖營歸兵騎




圖陣滾兵奇



瞿塘魚復江前六十四魁其體方後遊騎二十四魁形如却月其  
 八十八陣也騎兵分爲四衝衝各六陣以配大陣四正四奇中軍  
 之用所謂四頭八尾者是其制也行則騎兵居先止則騎兵居後  
 戰則奇兵變化如爪如牙其用不窮孔明總平列而爲兩行奇于  
 六十四魁之後人不測其故以爲殿後之兵云

正義分配瞿塘八陣圖



正義俗傳為握機經漢諸葛孔明八陣之法四為正四為奇餘奇為握機

或總稱之先出遊兵定兩端天有衝地有軸前後有衝風附於天

雲附於地衝重列各四隊前後之衝天衝各四隊風居四維故有圓

軸單列各三隊前後之衝地衝各三隊雲居四角故有方天居兩端

天衝地居中間地衝總為八陣陣後遊兵從背躡敵或驚其左或

驚其右聽音望麾以出四奇天地之前衝為虎翼風為蛇蟠圍繞

之義也虎居中間張翼以進蛇居兩端向敵而蟠以應之天地之

後衝為飛龍雲為鳥翔突擊之義也龍居於中張翼以進鳥掖兩


端向敵而翔以應之虛實二壘皆逐天文氣候山川向背利害隨

時而行以正合以奇勝今魚復江中平沙上有土石焉其八陣遺

蹤尚可想也隅落鈎連曲折相對出入變化莫知其終是始黃帝

太公管仲之遺制歟


通鑑分配瞿塘八陣圖



通鑑慈湖王氏曰孔明八陣一在魚復永安宮南江灘水上其法  
 六十四陣天衝十六陣居兩端地軸十二陣居中間天前衝四陣  
 居右天後衝四陣居左地前衝六陣居前地後衝六陣居後風八  
 陣附天雲八陣附地合為八陣天衝併前後衝二十四陣合風八  
 陣為三十二陽地軸併前後衝二十四陣合雲八陣為三十二陰遊  
 兵二十四陣在六十四陣之後凡行軍結陣合戰設疑補闕全在  
 遊兵天地之前衝風為蛇蟠兵家先陰以右為前又風從虎與蛇  
 皆陰類同位西北也天地之後衝為飛龍雲為鳥翔兵家後陽以  
 左為後又雲從龍龍與鳥皆陽類同位東南也以天地風雲為四

正以龍虎為蛇為四奇所謂八陣也每以二陣相從一陣之中又有兩陣一戰一守中外有輕重之權陰陽有剛柔之節彼此有虛實之地主客有先後之數

張曄分配瞿塘八陣圖



張曄曰此陣一十二陣陣隊不等計八十八隊步卒七十二隊馬軍一十六隊五十六爲正三十二爲奇

八陣記

八陣之陣漢丞相諸葛亮經略中原之所作也壘石爲之其跡在夔州魚浦灘自古相傳乘之六十四陣而已易卦爲之宗握奇爲之原其孰能推之哉孔明乃則河圖之圓而分爲四層則洛書之方而分爲九軍則井田公私之制而分爲中外之營則文王後天卦位而定四奇四正之名西北乾卦也曰天陣西南坤卦也曰地陣東南巽卦也曰風陣東北艮卦也曰雲陣取艮爲雲也東方青

龍之獸也曰龍陣西方白虎之獸也曰虎陣南方朱鳥之獸也曰鳥陣北方元武之獸也曰蛇陣中爲中軍陣太極之位也中軍四象爲正四獸爲奇四象四獸各六陣相從或四象七陣四獸五陣中軍大將所居中中四陣爲餘奇大將所握別爲遊騎二十四陣以繫八陣之後陣有八門開闔出入以爲變化南正手北正足中正身前奇首後奇尾左右奇翼遊騎爪牙首尾伸縮以爲節也兩翼翕張以爲權也爪牙往來以爲勢也身體手足鵠立鰲據以爲主也氤氲變化爲方爲圓爲曲爲直爲銳其變無窮不外八陣分合而已

新都縣八陣圖記

楊慎

諸葛武侯八陣圖在蜀者二一在夔州之永安宮一在新都之彌牟鎮在夔者蓋侯從先主伐吳防守江路行營布伍之遺制新都爲成都近郊則其恒所講武之場也武侯之入品事業前哲論之極詳不復勦同其說獨其八陣有重可慨者史謂侯推演兵法作爲八陣咸得其要自今行師更不覆敗非深識兵機者不能洞了蓋勝之於多算而出之於萬全非借一於背城而僥倖於深入也惜乎其方銳意以向中原而溪蠻洞獠左跳右跋以裂其勢外寇方殷內境自憊使夫八陣之妙不得加於二曹三馬之梟敵而乃

止試於七擒七縱之孟獲天威神算不騁於中原王者之區宇而僅以服南中巴夔之偏方事機旣已遲精力又已虧勇賈其餘師用其分以爲大舉譬之逐盜救火之家挺刃決水猶恐不及而內有讐賊自相乘機胙篋助燎則雖有倍人之知力亦自無如之何侯之不幸勢正類此天之所壞誰能支之祚去炎漢不待隕星而後知矣嗟乎國之興亡天也而干載之下君子獨遺恨於蜀漢之事者非以武侯故邪至其故壘遺墟獨爲之愛惜不已乃其忠義之激人不獨其法制陣伍之妙也不然則竇憲嘗勒八陣以擊匈奴晉馬隆用八陣以復涼州是在侯前已有之而後亦未嘗亡也



功既有成而後世猶所罕稱述况能傳其遺迹至今乎慎嘗放舟過夔門弔永安之宮尋陣圖之迹維時春初水勢正殺自山上俯視下百餘丈皆聚細石爲之凡八行六十四絕土人言夏水盛時沒在深淵水落依然如故在吾新都者其地象城門四起中列土壘約高三尺耕者或剗平之經旬餘復突出此乃其精誠貫天之所支而不可壞者蓋非獨人愛惜之而已耳慶陽韓君大之以進士出宰吾邑始至拜侯之荒祠次觀遺壘重有感焉謂慎曰之杲篆鏤燕然銘石藝焉爾人不足稱也愛其藝者不泯其迹矧侯之地而可忽諸今陣圖在夔者有和叔獨孤之記少陵東坡之詩四

方灼知而此顧泯焉無所表識使往來不軾樵牧者不禁非缺歟祠宇行當新之陣圖所在欲伐石樹道左大書曰諸葛武侯八陣圖碑陰之辭子宜爲之夫崇賢存古以示嚮往焉循良事也推表山川考記往昔者則史氏職也遂書之使刻焉

八陣圖說

嘗觀握機經馬隆贊卽魚復圖八陣畫隊陣地軸十二居中天衝八隊居前又八隊居後天前衝四隊居右地前衝六隊次之天後衝四隊居左地後衝六隊次之風八隊居四維雲八隊居四角此天地風雲四陣爲四正也天地前衝爲虎翼居右天地後衝爲飛

龍居左又風變爲蛇蟠雲變爲鳥翔此龍虎鳥蛇四陣爲四奇也然八陣中有握機之數寓於地軸共爲九陣卽九夫爲井之制也八陣外有遊軍或驚其左或驚其右或分爲疑兵或設爲伏兵或絕敵糧道或邀遮敵人或夜擊敵營或尾擊敵後或軍行未止營舍未定行列未定必先巡警八面斷敵來道以防卒然之衝突皆臨時別變錯綜八陣而用之卽井田有溝洫爲之經緯者也此法古人所未言然其數則起於參天兩地兩地之數衍而爲四爲八參天之數衍而爲六爲十二合之爲六十四總之八十八其部隊則有戰前隊迎敵有正隊更化有奇隊若非奇隊則正隊不能以更化又有駐隊自固有輔隊爲駐隊之衛有殿隊爲駐隊之後拒若非殿隊輔隊則駐隊不能自固要之隊間容隊陣間容陣隅落鈎連曲部相對四面八向隨感而應嘗以逸而致勞以實而擊虛其法可謂密矣

八陣圖說

古者黃帝以井田之制而出兵井分四道八家處之其形井字開方九焉五爲陣法四爲間地虛其中大將居之環其四面諸部連繞所謂陣間容陣隊間容隊以前爲後以後爲前進無速奔退無遽走四頭八尾觸處爲首敵衝其中兩頭皆救數起於五而終於

八何謂也此諸葛武侯以石縱橫布爲八行方陣之法卽此圖也  
風后因之以乾坤艮巽四間地爲天地風雲之四正陣居西北者  
乾地也乾爲天卽天陣居西南者坤地也坤爲地卽地陣以東南  
之地爲巽居巽者爲風陣也以東北之地爲艮居艮者爲山乃山  
以出雲爲雲陣也此四者爲正兵以水火金木爲龍虎鳥蛇之四  
奇左爲青龍卽龍陣也右爲白虎卽虎陣也朱雀爲鳥鳥陣在前  
元武爲蛇蛇陣在後此四者爲奇兵奇正相生如循環之無端擊  
其首則尾應擊其尾則首應擊其中則首尾俱應桓温所謂常山  
蛇陣是也又曰先出合戰者爲正兵圓而直曲而銳以象五行或

傍擊或夾攻或掩伏或截殺隱顯莫測料量如神此又奇也是以  
變化制勝則又在乎陳之以金鼓明之以旌旗使紛紛紜紜亂  
而法不亂渾渾沌沌形圓而勢不散若乃散而爲八復而爲一則  
必行則爲陣止則爲營矣是皆大將臨機應敵之際以生變通之  
法也

### 八陣說

羅一峯

三代以上兵法之最善者莫若軒轅之五陣三代以下兵法之最  
善者莫若孔明之八陣軒轅五陣本乎五行言陣之形勢直陣屬  
木銳陣屬火方陣屬土圓陣屬金曲陣屬水如敵陣爲金形我則

爲火陣之形以克之敵陣爲火形我則爲水陣之形以克之此軒轅之所以爲善也孔明八陣本於八卦言陣之方位天地風雲四陣卽乾坤巽艮四隅卦之寓名也龍虎鳥蛇四陣卽震兌離坎四方卦之寓名也若正兵出何方則兩隅奇兵張翼以夾之正兵出何隅則兩方奇兵犄角以應之擊首則尾應擊尾則首應擊中則旁至擊旁則中起此孔明之所以爲善也

八陣圖說

范蓀

夔州八陣之蹟聞天下歷千有餘年至今存於峽口之江浦往時每過其下惑於傳聞眩於目擊終莫得其說今蒙恩從宦於此始

三以暇日登崇臺而縱觀之臺高而積平累石粲然一一數之而無差於是推尋其意而爲之說曰陣法之大要方圓奇正而已爾武侯之法前爲八者八皆東嚮其勢直而方後爲十二者十二皆南北向其勢曲而圓方者所以爲正也圓者所以爲奇也夫奇者正之餘李靖所論握奇文是也方圓相生奇正相挾而陣法無餘事矣然則前爲八者八後爲十二者二何也曰此分數之法皆以八計之是以爲八陣也前爲八者八八而計之爲八八六十四後爲十二者二總而計之而三八二十四凡爲八者十一絕長補短而三八者以其二爲正而以一爲奇合爲八八矣古八陣之法其

列凡八李筌陰經以爲常山之勢者是也八八之法爲陣者一而已非古八陣也然而爲常山八陣勢者固自若桓溫之言近之矣若武侯之所以爲八者未知溫能悉之否也五人爲伍五伍爲兩以二千五百人爲隊二百五十取三而以爲奇者古也武侯之法八八六十四爲正三八二十四爲奇是十一取三焉以爲奇則精於古矣夫奇正也方圓也陰陽也一而已矣方者其陰圓者其陽也前爲方者八八六十四後爲圓者二八二十四絕長補短大概二陰而一陽其在易二陰而一陽爲震倍之四陰而二陽爲臨嗟乎武侯之意倘取諸此乎古者用奇之法或處於中或列於左右或伏於後處於中者李靖之握奇於後則武侯之法司馬遷書言漢與楚決勝垓下淮陰侯自以三十萬當之皇帝在後孔將軍居左費將軍居右絳侯柴將軍又在皇帝後淮陰侯先合不利卻孔將軍費將軍縱楚兵不利淮陰侯復乘之楚以大敗史傳之紀軍陣未有詳於此者淮陰侯與高祖絳侯柴將軍所居之軍正也孔費二將列爲左右者奇也淮陰侯喜以弱致人故其爲奇者列於左右將佯却而後勝武侯節制之師使爲奇而將出於左右者常匿於後以固其軍正兵旣有所恃而奇兵唯無出出將不可禦此司馬仲達之所避而終身不敢與戰也然武侯之法密矣

唐太宗與李靖問答

太宗曰朕與李勣論兵多同卿說但勣不究出處爾卿所製六花陣法出何術乎靖曰臣所本諸葛亮八陣法也大陣包小陣大營包小營隅落鈎連曲折相對古制如此臣爲圖因之故外畫之方內環之圓是成六花俗所號爾太宗曰內圓外方何謂也靖曰方生於步圓生於奇方所以矩其步圓所以綴其旋是以步數定於地行綴應乎天步定綴齊則變化不亂八陣爲六武侯之舊法焉太宗曰諸葛亮言有制之兵無能之將不可敗也無制之兵有能之將不可勝也朕疑此談非極至之論靖曰武侯有所激云爾臣

按孫子曰教道不明吏卒無常陳兵縱橫曰亂自古亂軍引勝不可勝紀夫教道不明者言教闕無古法也吏卒無常者言將臣權任無久職也亂軍引勝者言已自潰敗非敵勝之也是以武侯言兵卒有制雖庸將未敗若兵卒自亂雖賢將危之又何疑焉

太宗曰深乎節制之兵得其法則昌失其法則亡卿爲纂述歷代善與節制者具圖來上朕當擇其精微垂於後世靖曰臣前進黃帝太公二陣圖并司馬法諸葛亮奇正之法此已精悉歷代各將用其一二成功者亦衆矣但史官鮮克知兵不能紀其實迹臣奉詔當纂述以聞

太宗曰高麗數僣新邈朕遣使諭不奉詔將討之如何靖曰探知蓋蘇文自恃知兵謂中國無能討故違命臣請師三萬擒之太宗曰兵少地遙以何術臨之靖曰臣以正兵太宗曰平突厥時用奇兵今言正兵何也靖曰諸葛亮七擒孟獲無他道也正兵而已矣太宗曰晉馬隆討涼州亦是依八陣圖作偏箱車地廣則用鹿角車營路狹則爲木屋施於車上且戰且前信乎正兵古人所重也靖曰臣討突厥西行數千里若非正兵安能致遠偏箱鹿角兵之大要一則治力一則前拒一則束部伍三者迭相爲用斯馬隆所得古法深矣

太宗曰兵法孰爲最深者靖曰臣嘗分爲三等使學者漸而至焉一曰道二曰天地三曰將法若張良范蠡孫武脫然高引不知所往此非知道安能爾乎若樂毅管仲諸葛亮戰必勝守必固此非察天時地利安能爾乎其次王猛之保秦謝安之守晉非任將擇材繕完自固安能爾乎故習兵之學必由下及中由中及上則漸而深矣

太宗曰天地風雲龍虎鳥蛇斯八陣何意也靖曰傳之者誤也古入秘藏此法故詭設八名耳八陣本一也分爲八焉若天地者本乎旗號風雲者本乎旛名龍虎鳥蛇者本乎隊伍之別後世誤傳

詭設物象何止八而已乎太宗曰數起於五而終於八則非設象實古制也卿試陳之靖曰臣按黃帝始立邱井之法因以制兵故井分四道八家處之其形井字開方九焉五爲陳法四爲閑地此所謂數起於五也虛其中大將居之環其四面諸部連繞此所謂終於八也及乎變化制敵則紛紛紜紜圖亂而法不亂混混沌沌形圓而勢不散此所謂散而成八復而爲一者也

八陣論

李昭玘

蓋聞古之制陣其名不一有以三才名者日月星辰斗杓一左一右一迎一背謂之天陣邱陵水泉亦有左右前後之利謂之地陣

用車用馬用文用武謂之人陣此三才之辨也有以五時名者春爲牡陣刃爲前行夏爲方陣戟爲前行季夏爲圓陣矛爲前行秋爲牝陣劍爲前行冬爲伏陣楯爲前行五時之辨也有以四獸名者使商人爲前兵象白虎使羽人爲前兵象元武使徵人爲前兵象朱雀使角人爲前兵象青龍此四獸之辨也有以五行名者木之直金之方火之銳水之曲土之圓此五行之辨也凡若是者因類制名固不可殫數而八陣之名尤爲異同若所謂一方二圓三牝四牡五衝方六車輪七采豎八雁行是一八陣也若所謂金木水火土天地人又一八陣也若所謂車箱洞當金車上中黃土鳥



雲鳥翔火折衝木龍騰卻月水雁行鵝鶴天車輪地虎翼人又一  
八陣也紛紜異口其無定論如是至於天地風雲龍虎鳥蛇以是  
八物制爲八名兵家者流於此多歸焉則八陣之定論亦有在矣  
然是八物者亦信其所從名之當否耳考其根柢陣之所以八者  
自有所祖述蓋其法肇於黃帝具於成周而變化於諸葛孔明非  
諸葛孔明之獨能爲是也昔黃帝潛通八卦而建一都之法默會  
九天而設三軍之制是以周公則而象之以九夫爲井四井爲邑  
四邑爲邱四邱爲甸四甸爲縣四縣爲都自九夫之井至於四縣  
之都而得乎一都之法又以五人爲伍五伍爲兩四兩爲卒五卒

爲旅五旅爲師五師爲軍自五人之伍至於五師之軍而合乎三  
軍之制至於孔明則又上探黃帝之微意下采成周之遺法因而  
循之與道神之革而化之與時宜之而陣法備焉故其制爲八陣  
自九夫爲井而演之縱橫皆八而有八八六十四陣者所以通乎  
八卦也立爲三軍自五人爲伍而演之周旋皆九而有九九八十  
一陣者所以會乎九夫也然而孔明之所祖述者可謂深且遠矣  
非與夫古之人精神心術流通爲一者疇能爾哉李興曰推子八  
陣不在孫吳木牛之奇則非般模謂木牛非出於般模之遺其說  
誠是若求八陣於孫吳之書則孫吳之書固無有也是不知孔明

之祖述在彼而不在此也愚故曰肇於黃帝具於成周變化於諸葛孔明非諸葛孔明之獨能爲是也嗚呼八陣之法黃帝旣以北逐獯鬻南平蚩尤戡黎於版泉省方於崆峒底定萬國旁羅七曜周公旣以此誅紂伐奄膺戎狄懲荆舒而孔明又以此平定南中響震關輔斬王雙走郭淮殺張郃以成鼎足之強則其明效大驗已可見矣後世之言兵孰不欲得其遺法而師承之然昧其法者莫如晉之桓溫明其法者莫如唐之李靖此又不可不知也壘石八行行去二丈此其爲武侯遺迹真與僞皆未可知而桓溫幸僚屬之不識遽欺之曰此常山蛇勢也夫常山蛇者在兵法謂之率

然擊其首則尾至擊其尾則首至擊其中則首尾俱至考之陣勢特曲直一陣勢耳烏在爲八哉且武侯所祖在黃帝周公而溫信於率然之說比之李興謂不在孫吳者尙或有愧故曰昧其法者莫溫若也唐太宗問李靖曰卿所制六花陣出何術乎靖曰臣本諸葛亮八陣法也大陣包小陣大營包小營隅落鈎連曲折相對古制如此乃爲圖陳之夫驅馳於戎馬之間識兵形陣法者莫如太宗而靖有六花之制乃不知其所出必待剖喻明白而後悟則靖之於八陣深矣又非守其緒餘糟粕者之比也愚故曰明其法者莫靖若也雖然論其深妙固未易以立談判考其大綱則不過

奇正二字而已蓋古之制軍合萬二千五百人而爲軍其爲伍者一千一百二十五其爲兩者二百五十十取三焉而爲奇其餘七以爲正四奇四正而八陣生焉是其分陣之數有奇有正也回旋九攢以象天四平正列以象地散渙邪直以爲風前大後銳以爲雲天地風雲四者陣之正也延邪綿直以爲龍蟠前合後開以爲虎翼彌漫散治以爲鳥翔回曲包羞以爲蛇蟠龍鳥虎蛇四者陣之奇也是其布陣之形有奇有正也天子上將居中而不動疑兵游軍出沒而無常是其用陣之勢有奇有正也乃若陣行之疎陣戰之密其人之列面之相宜背之相承陣間容陣隊間容隊曲間

容曲前當其前後當其後左防其左右防其右行必魚貫立必雁行長以衛短短以救長回軍轉陣以前爲後以後爲前進無速奔退無遽走雖絕成陣雖散成行四頭八尾觸處爲首先動而陽輕疾猛厲其勢險其節短後動爲陰持重固密不動如山其倏忽幽闇神出鬼沒千變萬態而不可致窮則又所謂奇正之相生如環之無端者八陣之制如此

宋神宗八陣圖論

諭近臣曰黃帝始制八陣法賈蚩尤於涿鹿諸葛造八陣圖於魚復平沙之上壘石爲八行晉桓溫見之曰常山蛇勢也文武皆莫

能識之此卽九軍陣法也後至隋韓擒虎深明其法以授其甥李靖靖以時遇久亂將臣通曉其法者頗多故造六花陣以變九軍之法使世人不能曉之大抵八陣卽九軍九軍者方陣也六花陣卽七軍七軍者圓陣也蓋陣以圓爲體方陣者內圓而外方圓陣者內外俱圓矣故以圓物驗之則方以八包一圓以六包一此九軍六花陣之大體也六軍者左右虞侯軍各一爲二虞侯軍左右廂各二爲四廂軍與中軍共爲七軍八陣者加前後二軍共爲九軍今論兵者俱以唐李筌太白陰經中所載陣圖爲法失之遠矣可約李靖法爲九軍營陣之制然李筌之圖乃營法非陣法也朕

採古之法酌今之宜曰營曰陣本出於一法而已止曰營行曰陣在奇正言之則營爲正陣爲奇也

八陣圖疏 景泰四年

鄭林

臣通考古今陣法莫有過於軒轅黃帝破蚩尤之陣也黃帝按井田作陣法大軍居中專主旗鼓八節旋繞悉聽指揮若正北受敵則東北西北二兵爲奇兵張左右翼以援之若正南受敵則東南西南二兵爲奇兵張左右翼以援之其正東正西及四隅受敵亦如之所謂常山蛇勢擊其首則尾應擊其尾則首應擊其中則首尾相應也古之名將知此法者唯太公望孫武子韓信諸葛孔明

李靖諸人而已吳起以下莫能知也一大陣之中固有八陣而小八陣之中亦各有八陣大陣則法伏羲八卦小陣則法文王六十四卦所謂陣間容陣隊間容隊者也若夫造楯甲有九星開八門用三奇者則又黃帝命風后爲之也蓋聖人以神道設教以神其術使人莫知其所所以然也大將居於元武之位而北獸則常山蛇也故曰常出蛇陣

八陣圖蹟

蜀志言五推演兵法作八陣圖咸得其要今考侯八陣圖凡四其在廣都西八陣鄉者一百二十有八當頭陣法也在魚復永安

宮南江灘水上者六十有四方陣法也在沔陽之高平舊壘者二百五十有六下營法也在益州城東南隅棋盤市者亦云二百五十有六今無其蹟

夔州八陣圖水流石不轉見劉賓客嘉話

夔州西市俯臨江岸沙石下有諸葛亮八陣圖箕張翼舒鵝形鵠勢象石分布宛然尚存峽水大時三蜀雪消之際瀕湧澗漲可勝道哉大樹十圍枯槎百丈破礧巨石隨波塞川而下水與岸齊人奔山上則聚石爲堆者斷可知也及乎水落川平萬物皆失故態唯諸葛陣圖小石之堆標聚行列依然如是者經六七百年年年

忠武記 卷之四  
淘灑推激迄今不動

常山蛇勢

魚復縣鹽井以西石蹟平曠眇望四遠諸葛孔明積細石爲壘方可數百步壘西郭又聚石爲八行相去二丈許謂之八陣圖曰八陣旣成自今行師庶不復敗自後深識見者並莫能了桓宣武伐蜀經之以爲常山蛇勢

蘇子瞻曰武侯造八陣圖於魚復平沙之上吾嘗過之自山上俯視百丈餘凡八行爲六十四蕤蕤正圍不見凹凸處如日中蓋影及就視皆卵石漫漫不可辨甚可怪也

木牛流馬法

亮集督軍廖立杜睿胡忠等推意作木牛流馬其木牛法方腹曲脛一股四足頭入領中舌著於腹載多而行少特行者數十里羣行者二十里曲者爲牛頭雙者爲牛脚橫者爲牛領轉者爲牛足覆者爲牛背方者爲牛腹垂者爲牛舌曲者爲牛肋刻者爲牛齒立者爲牛角細者爲牛鞅攝者爲牛鞅軸牛禦雙轅人行六尺牛行四步人不大以食其流馬尺寸之數肋長三尺五寸廣三寸厚二寸二分左右凹前軸孔分墨去頭四寸徑中二寸前脚孔分墨二寸去前軸孔四寸五分廣一寸前杠孔去前脚孔分墨

二寸七分孔長二寸廣一寸後軸孔去前杠孔分墨一寸五分大  
 小與前同後脚孔分墨去後軸孔三寸五分大小與前同後杠孔  
 去後脚孔分墨二寸七分後載尅去後杠孔分墨四寸五分前杠  
 長一尺八寸廣二寸厚一寸五分後杠與等板方囊二枚厚八分  
 長二尺七寸高一尺六寸五分廣一尺六寸每枚受米二斛三斗  
 從上杠孔去肋下七寸前後同上杠孔去下杠孔分墨一尺三寸  
 孔長一寸三分廣七分八孔同前後四脚廣二寸厚一寸五分形  
 如象軒長四寸徑面四寸三分孔徑中三脚杠長二尺一寸廣  
 五分厚一寸四分同杠耳

諸葛武侯二十八宿分野

角亢氏鄭兗州 東郡入角一度 東平任城山陰入角六度  
 泰山入角十二度 濟北陳留入亢五度 濟陰入氏一度  
 東平入氏七度

房心宋豫州 潁川入房一度 汝南入房二度 柳郡入房四  
 度 梁國入房五度 淮南入心一度 魯國入心三度 楚  
 國入房四度

箕尾燕幽州 涼州入箕十度 上谷入尾一度 漁陽入尾三  
 度 右北平入尾七度 河西上郡北遼東西入尾十度 涿

郡入尾十六度 渤海入箕一度 樂浪入箕三度 元菟入箕六度 廣陽入箕九度

斗牛女吳越揚州 九江入斗一度 廬江入斗六度 墜方入

斗十度 丹陽入斗十六度 會稽入牛一度 臨淮入牛四

度 廣陵入牛八度 泗水入女一度 六安入牛六度

虛危齊青州 齊國入虛六度 北海入虛九度 濟南入危一

度 樂安入危四度 東萊入危九度 平原入危十一度

淄川入危十四度

室壁衛并州 安定入室一度 天水入室八度 隴西入室四

度 酒泉入室十一度 張掖入室十四度 武都入壁一度

金城入壁四度 武城入壁四度 墩隍入壁八度

奎婁胃魯徐州 東海入奎一度 瑯琊入奎六度 高密入婁

一度 陽武入婁九度 膠東入胃一度

昂畢趙冀州 魏郡入昂一度 鉅鹿入昂三度 常山入昂五

度 廣平入昂七度 中山入昂十度 清河入昂九度 信

都入畢三度 趙郡入畢八度 安平入畢四度 河澗入畢

十度 真定入畢十三度

觜參魏益州 廣漢入觜一度 趙雋入觜三度 蜀郡入參一



度 犍為入參三度 牂牁入參五度 巴郡入參八度 漢

中入參九度 益州入參七度

井鬼秦雍州 漢中入井一度 定襄入井八度 鴈門入井十

六度 代郡入井二十八度 太原入井二十九度 上黨入

井二度

柳星張周三河 宏農入柳一度 河南入星三度 河東入張

一度 河內入張九度

翼軫楚荆州 南陽入翼六度 南郡入翼十度 江夏入翼十

二度 零陵入軫一度 桂陽入軫六度 武陵入軫十度

長沙入軫十六度

占驗

亮算太乙數今年歲次癸巳星在西方又觀乾象太白臨於雒  
城之分主於將師多凶少吉

事應  
靡統

黃龍見武陽赤水九日乃去孝

經援神契曰德至淵泉則黃龍見又前關羽圍樊時襄陽男子張  
嘉王休獻玉璽璽潛漢水靈光徹天軍師將軍亮與羣臣上言考  
省靈圖啟發識緯神明之表各諱昭著宜即帝位

輔後主

建興辛亥冬日犯軒轅大星月犯鎮星丞相亮息民休士勸農講

武次年又日犯軒轅大星太白晝見有星孛於翼近太微上將星  
丞相亮運米集斜谷口治斜谷口邸閣

甲寅秋丞相亮軍於郭氏塢有星赤而芒角自東北西南流投於  
亮營三投再還往大還小亮密表舉蔣琬自代俄卒

### 神刀

諸葛公嘗欲鑄刀而未得會蒲元爲西曹掾性多巧思因委之於  
斜谷口鎔金造器特異常法刀成自言漢水鈍弱不任淬用蜀江  
爽烈是爲大金之元精天分其野乃命人於成都取江水至元以  
淬刀言雜涪水不可用取水者猶悍言不雜元以刀畫水云雜八  
升何故言不雜取水者叩頭服云實於涪津渡負倒覆水懼怖遂  
以涪水八升益之於是咸共驚服稱爲神妙刀成以竹筒密納鐵  
珠滿中舉刀斷之應手虛落若薙水芻狀稱絕當世因曰神刀今  
之屈耳環者是其遺範也

### 八劍

漢章武元年辛丑採金牛山鐵鑄八鐵劍各長三尺六寸一先主  
白佩一與太子一與梁王理一與魯王永一與諸葛孔明二與張  
飛關羽一與趙雲並是孔明書作風角處所

### 鼎

諸葛亮殺王雙還定軍山作一鼎埋於漢川其文曰定軍鼎又作八陣鼎沉永安水中又元武郡金山作二鼎一大一小時孔明行軍見此山勢似有王氣故鎮之

連弩

侯作八務七戒六恐五懼皆有條章以訓厲臣子又損益連弩謂之元戎以鐵爲矢矢長八寸一弩十矢俱發

弩箭鏃

梁將王綝與陸法和守巫峽軍次白帝法和謂人曰諸葛孔明可謂名將吾自見之此城旁有其埋弩箭鏃一斛許因插表令掘之

如其言

十折矛七首

諸葛公教云敕作部皆作十折矛以給之又教云作部作匕首五百枚以給騎士

滿袖鎧鐵帽

沈約宋書

太祖賜孝武以諸葛孔明滿袖鎧鐵帽御仗有諸葛公褊袖鎧帽二十五石弩射之不能入以賜殷孝規

銅罇

諸葛鼓乃銅鑄面廣一尺七寸高一尺八寸邊有四獸腰束下空

旁有四耳花文甚細色澤如瓜皮重三十餘斤懸於水上用柶木  
槌擊之聲極圓潤乃孔明擒孟獲時所製昔伐九絲城得十餘面  
今在成都府庫中一名罇于鼓游梁雜記云諸葛鼓其形圓上寬  
而中束下則做口大約若今植斗之倒置也面有四水獸四周有  
細花文其色不甚碧綠擊之彭彭聲如鼓云置水上擊之其聲更  
巨

### 諸葛鼓

都蠻呼銅鼓曰諸葛鼓相傳以爲寶器鼓有剝蝕又聲響者爲上  
上鼓易牛千頭次者七八百頭遞有等差藏至二三面者卽得雄

視一方僭稱王號每出劫擊鼓高山諸蠻頃刻雲集集則椎牛數  
十頭饗蠻乃出劫劫數勝益以鼓爲靈父老云諸葛製以鎮蠻若  
云鼓去則蠻運終理或然也

### 諸葛征蠻鉦

交趾服役有頭飛獠子赤棍獠子鼻飲獠子皆窟居巢處好飲酒  
擊銅鼓鼓初成置庭中招同類來者盈門豪富女子以金銀釵擊  
鼓叩竟留與生人或云銅鼓乃諸葛征蠻鉦也

### 雞鳴枕

武岡有一幕官因鑿渠得一飛枕枕之間其中鳴鼓起插一更至

五更鼓聲次第更轉不差既聞雞鳴亦至三唱而曉抵暮復然其  
人以爲怪因碎之觀其中設機局以應夜氣乃武侯雞鳴枕也

諸葛行鍋

井研縣中有掘地者得一釜鐵色光瑩將來造飯少頃即熟一鄉  
皆異有爭之者不得共舉於縣中令君命取看未至堂下失手落  
地分之爲二中乃夾底心懸一符文不可辨旁有八分書諸葛行  
鍋四字又麻城毛柱史鳳韶言近日平谷縣耕民得一釜以涼水  
沃之忽自沸以之炊飯即熟釜下有諸葛行鍋字鄉民以爲中有  
寶物乃碎之其釜稜層中有水火二字即前物也異哉  
凡鉛錄

白羽扇

諸葛公特白羽扇指麾三軍今成都出羽扇攢雜鳥毛爲之蓋其  
遺制也  
廣記

爲彝作圖譜

南中俗徵巫鬼好詛盟投石結草官常以盟詛要之諸葛孔明乃  
爲彝作圖譜先畫天地日月君長城府次畫神龍龍生彝及牛馬  
羊後畫部主吏乘馬幡蓋巡行安邸又畫牽牛負酒齋金寶詣之  
之象以賜彝彝甚重之許致生口直又與瑞錦鐵券今皆存每刺  
史校尉至齋以呈詣  
華陽國志

低門

雲貴上官中門甚低出入必俯首云武侯遺制欲其敬朝廷也稍高其戶者輒禍

剝米

苗民家家供祀武侯像取穀逐顆剝米以炊日不暇給云亦始自武侯俾終歲勤勞弗得居逸思叛也今雖苦難不敢違其法

饅頭

諸葛公之征孟獲人曰蠻地多邪術須禱於神假陰兵以助之然其俗必殺人以其首祭則神享為出兵公不從因雜用羊豕之肉

而包之以麩象人頭以祀神亦享焉而為出兵後人由此為饅頭

事物  
記原

遼寧張鵬鵬輯

劉廷幾

全校

前考往來是謂方利俗而世遠風逸文獻無徵是亦何文者之所慨也維思武侯大節彰彰固已垂之青史而昔年遺事傳聞異辭要可述而誌之備尙論者考焉誌遺事

履德公

低門

雲霄上宮中門甚低出入必俯首云武侯遺制其敬朝廷名

高其尸者輒福

判木  
在民家供祀武侯像取薪透薪判木以炊日不厭其有  
武侯俾終歲勤勞并得居逸思叛也今雖苦難不敢違其法

饑頭

信風  
事  
公之征孟獲人曰蠻地多非術須禱於神假陰兵以助之  
而回之以饑寒人所以驅輒亦享惠而為出共歸人由此無難

忠武誌卷之五

遂寧張鵬翮輯

劉廷璣

全校

張懋齡

前芳往軌舉足訓方型俗而世遠風邈文獻無徵是亦尙友者  
之所慨也維忠武侯大節彰彰固已垂之青史而當年遺事雖  
傳聞異辭要可述而誌之備尙論者考焉誌遺事

遺事

龐德公

孔明在南陽同縣龐德公素有重名司馬徽兄事之娶孔明小姊

遺事

夫妻相敬如賓孔明每至其家獨拜牀下德公初不令止其從子統少時樸鈍未有識者惟德公與徽重之德公嘗謂亮爲卧龍統爲鳳雛徽爲冰鑑

黃承彥

黃承彥者高爽開朗爲沔陽名士謂諸葛孔明曰聞君擇婦身有醜女黃頭黑色而才堪相配孔明許卽載送之時人以爲笑鄉里爲之諺曰莫作孔明擇婦止得阿承醜女

武侯說孫權於柴桑

曰海內大亂將軍起兵據有江東劉豫州亦收衆漢南與曹操共爭天下今操芟蕪大難畧已平矣遂破荊州威震四海英雄無所用武故豫州遁逃至此將軍量力而處之若能以吳越之衆與中國抗衡不如早與之絕若不能當何不按兵束甲北面而事之今將軍外託服從之名而內懷猶豫之計事急而不斷禍至無日矣又曰田橫齊之壯士耳猶守義不辱况劉豫州帝室之胄英雄蓋世衆士仰慕若水之歸海事之不濟此乃天也安能復爲之下乎又曰豫州軍雖敗於長坂今戰士還者及關羽水軍精甲萬人劉琦合江夏戰士亦不下萬人曹操之衆遠來疲敝聞追豫州一日一夜三百餘里此所謂強弩之末勢不能穿魯縞也故兵法



忌之日必蹶上將且北方之人不習水戰又荊州之民附操者逼  
 兵勢耳非心服也將軍誠能用猛將統兵數萬與豫州協規同力  
 破操必矣操軍破必北還如此則荆吳之勢強鼎足之形成成敗  
 之機在於今日

權悅即遣周瑜等隨亮  
拒操遂破操於赤壁

先主結駝

按字典駝結毛為飾即今馬及  
弓槩上纓之也字從耳不從目

先主性好結駝時適有人以髦牛尾與先主者先主因手自結之  
 亮進曰明將軍當復有遠志但結駝而已耶備乃投駝而言曰是  
 何言與我聊以忘憂耳亮遂言曰將軍度劉鎮南孰與曹公備曰  
 不及亮又曰將軍自度何如也備曰亦不如曰今皆不及而將軍

之眾不過數千人以此待敵得無非計乎備曰我亦愁之當若之  
 何亮曰荊州非少人而著籍者寡平居發調則民心不悅可與劉  
 鎮南令凡有遊戶皆使自實因錄以益眾可也備從其計故眾遂

強魏

刺客

曹操遣刺客見先主方得交接問伐魏形勢甚合主計稍欲親近  
 刺者尙未得便會亮至客如廁先主謂亮曰向得奇士足以為君  
 助亮問所在先主曰起者其人亮徐歎曰觀客色動而神懼視低  
 而忤數奸形外漏邪心內藏必曹氏刺客也追之已越牆而走

忠貞堂

卷之五

遺事

三

開門埽地

亮遣魏延諸軍并兵東下惟自留萬人守城司馬懿率二十萬衆拒亮而與延軍錯道徑至前當亮十六里所偵候白懿說亮在城中兵少力弱亮亦知懿垂至已與相偏欲前赴延軍相去又遠回迹反追勢不相及將士失色莫知其計亮意氣自若勅軍中皆卧旗息鼓不得妄出菴幔又令大開四城門埽地却灑懿嘗畏亮持重而猥見勢弱疑其有伏兵於是引兵北趣山明日食時亮謂叅佐拊手大笑曰司馬懿必謂吾怯將有彊伏循山走矣邏候還白如亮所言懿後知深以為恨

拔三郡

亮出祁山隴西南安二郡應時降圍天水拔冀城鹵姜維驅畧士女數千人還蜀人皆賀亮愀然有戚容謝曰國家威力未全使百姓困於豺狼之吻一夫有死皆亮之罪以此稱賀能不為愧俱郭冲條

涪陵

涪陵山險水灘人性鷙勇多獷蠻之民縣邑阿黨鬪訟必死無蠶桑少文學漢時赤甲兵常取其民獨丞相亮時亦發其勁卒三千人為連弩士其性質直雖徙他所風俗不變華陽國志

滇酋姓氏

滇酋有六各號為詔彝語謂王為詔其一曰蒙舍詔其二曰浪穹詔其三曰邈賧詔其四曰施浪詔其五曰磨些詔其六曰蒙雋詔兵將不能相君長至漢有仁果者九龍八族之四世孫也强大居昆彌川傳十七世至龍祐那當漢建興三年諸葛武侯南征雍闓師次白崖川獲闓斬之封龍祐那為首長賜姓張氏割永昌益州地置雲南郡於白崖諸彝慕侯之德漸去山林徙居平地建城邑務農桑諸郡於是始有姓氏

滇載記

牂牁

漢時牂牁師火濟者從丞相孔明破孟獲有功封羅甸國王即今宣慰使安民遠祖也

枕磚

侯初平南彝夜聞軍中多謳歌思歸遂詔眾各與一磚曰若輩久苦行役欲過返耶枕此而卧詰朝抵家矣從者果然不用命者終莫能歸今雲南營內有一城居民皆四川人云即其後也

述異錄

巾幘

三國志孔明以巾幘遺司馬懿巾幘女子未笄之冠蜀中名曇籠蓋笑其堅壁不出如閨女之匿藏也又漢輿服志云公卿列侯夫

遺事

遺事

遺事

遺事

人紺繪纒總是婦人以巾上覆髮者然曇籠之說更有意義

清夜叢談

蔓菁

諸葛公所止必令軍士種蔓菁取其纒出甲可生啖也葉稍舒可煮食也人居則隨以滋長也棄去不足惜也回卽易尋而採之也冬有根可斷食也比諸蔬屬其利不亦溥乎三蜀江陵之人今呼

蔓菁為諸葛菜

劉禹錫嘉話錄

戴天孝

蜀山谷民皆冠帛巾相傳為諸葛公服所居深遠者後遂不除今蜀人不問有服無服皆戴孝帽市井中人十常八九謂之戴天孝

余嘗以重午登南城樓觀競渡戲兩岸男女匝水而聚望之如沙

城焉

白紙繫髻

蠻酋自謂太保大抵與山獠相似但有首領其人椎髻以白紙繫

之云尙為諸葛制服也

俱浣水續談

張裔稱諸葛

孔明駐漢中張裔領留府長史嘗稱曰公賞不遺遠罰不阿近爵不可以無功取刑不可以貴勢免此賢愚所以愈忘其身者也

桓溫小史問答

忠貞詩

卷之五

遺事

本

桓溫征蜀猶見武侯時小史年百餘歲溫問諸葛丞相今誰與比  
答曰葛公在時亦不覺異自公歿後不見其比

殷云  
卜說

秣陵山

先主曾使諸葛公至京因觀秣陵山阜乃歎曰鍾山龍盤石頭虎  
踞帝王之都也

曹操謝言

曹操刑法嚴峻果於殺戮乃心欲用乎孔明孔明自陳不樂出身  
操謝遣之曰義不使高世之士辱於污君之朝也其鞭撻丸有草  
創皇基亦不妄矣

抱朴  
子

葛巾羽扇

武侯與司馬懿在渭濱將戰懿戎服蒞事使人密覘武侯乃乘素  
輿葛巾持白羽扇指揮三軍懿聞而歎曰諸葛君可謂名士矣

保券

先主寓荊州從南陽大姓晁氏貸錢千萬以為軍需諸葛孔明作  
保券至宋猶存

武侯後身

韋南康始生有胡僧往視謂曰別後無恙乎韋氏問故答曰武侯  
後身也吾往與之友故不遠而來因字之城武

宣室  
志

補六詔考

南詔本烏蠻別種姓蒙氏蠻謂王爲詔自言哀牢之後代居蒙舍州爲渠帥

蒙嵩詔最大後爲南詔所併

越析詔或謂磨些詔居故越析州西距曩葱山一日後歸南詔

浪穹詔其王鐸羅望爲浪穹刺史凡浪穹遼暎施浪總謂之浪人亦稱三浪

遼暎詔其王豐咩據遼暎後爲南詔徙居永昌

施浪詔其王施望久居矣苴和城有施各反者亦八詔之裔

維忠武侯休休有容集思慮益開誠布公公議相取法正後事獨付蔣琬一時名雋在位各盡其長雖難馭如儀延亦收爪牙之用被廢之李平廖立聞侯之卒爲之泣下有致死者公誠服人宜其然乎誌用人

用人

先主領荊州龐統以從事守耒陽令不治免官吳將魯肅遺先主書曰龐士元非百里才也使處治中別駕之任始當展其驥足耳諸葛亮亦言之於先主先主見統與譚善大器之以爲治中從事討鹵將軍黃忠勇毅冠三軍破斬夏侯淵先主欲用忠爲後將軍

用人

而以關羽爲前將軍諸葛亮說先主曰忠之名望素非關馬之倫也今使令同列馬張在近親見其功尙可喻指關遙聞之恐必不悅得無不可乎先主曰吾當自解之

法正多陰謀善設奇制變昭烈之取益州皆其力也諸葛亮與正雖好尙不同以公議相取每奇正智術

許靖爲劉璋蜀郡太守先主進圍成都靖欲踰城出降先主薄之定蜀後益無意於靖孔明諫曰靖人望不可失也借其名以竦動宇內於是稍尊之尋拜司徒靖年已踰七十愛樂人物誘納後進清談不倦孔明皆爲之拜

丞相亮領益州牧徵杜微爲主簿微自稱耳聾固辭舉而致之亮引見以微不問人語於坐上與書焉

廣都長蔣琬衆事不理時又沉醉先主欲加罪戮軍師將軍亮請曰蔣琬社稷之器非百里之才其爲政以安民爲本不以修飾爲先願加察之建興元年丞相亮開府辟琬爲東曹掾每出師以琬統留府事

劉璋欲迎先主劉巴極諫璋不聽俄而先主定益州巴辭謝負罪先主不責而亮數稱薦之辟爲左將軍西曹掾嘗稱之曰運籌策於帷幄之中吾不如子初遠矣若提枹鼓會軍門使百姓喜勇當

與人議之耳

武侯以董厥爲府令史稱之曰董令史良士也吾每與之言思慎宜適徙爲主簿

武侯鎮荊州孫權遣使通好因問士人偕誰相經緯者武侯答曰龐統廖立楚之良才當贊興世業者也後立爲侍中後主卽位徙長水校尉立意自謂才名宜爲武侯之貳而更游散常懷怏怏於是武侯劾立廢爲民徙汶山廖立躬率妻子耕殖自守聞亮卒垂泣歎曰吾終爲左衽矣卒死徙所

武侯深識楊戲各年二十餘從州書佐爲督軍從事職典刑獄論

法決疑號爲平當辟爲府屬主簿馬良留荊州遣亮書先主辟爲左將軍掾後遣使吳良謂亮曰今銜國命協睦二家幸爲良介於孫將軍武侯曰君試自爲交良弟謾爲荊州從事才器過人武侯深加器異引爲參軍

魏延勇猛過人又性矜高當時皆避下之惟楊儀不假借延孔明深惜儀之才幹延之驍勇常啣二人之不平不忍有所偏廢爲作甘戚論

先主領益州收拔彭蒙爲治中從事形色巖然自矜得遇滋甚諸葛亮雖外接待柔而內不能善屢密言先主義心大志廣難可保



安先主既敬信亮加察兼行事意以稍疎

譙周潛識內敏體貌樸素無造次辨論之才初見孔明左右皆笑  
既出有司請推笑者孔明日余尙不能忍况左右乎

王連爲劉璋梓潼令先主進軍南來連閉城不降先主義之不強  
逼也及成都平以連爲什邡令轉廣都有績遷司鹽校尉利人甚  
多又簡收良才以爲官屬遷蜀郡太守丞相亮南征連諫以爲此  
不毛之地疫厲之鄉不宜以一國之望冒險而行亮慮諸將才不  
及已意欲必往而連言輒懇至停留久之後拜屯騎校尉領丞相  
長史封平陽亭侯

武侯南征羣僚於數十里逢迎年位多在費禕右而武侯特命禕  
同載由是衆人莫不易觀後禕奉使稱旨頻煩至吳請爲參軍  
先主定蜀以李邵爲州書佐從事建興元年丞相亮辟爲西曹掾  
亮南征留邵爲治中從事

丞相亮主簿吳濟字偉度有忠盡之效亮發教羣下與董和徐庶  
並稱

益州太守張裔字君嗣性敏辨會雍閭不賓縛送吳諸葛孔明遣  
鄧芝使吳令芝言次可從權請裔裔自至吳數年流徙伏匿權未  
之知也故許芝遣裔裔至蜀丞相亮以爲參軍署府事又領益州

治中從事

張翼討劉胄未破會被徵當還羣下咸以爲宜便馳騎卽罪翼曰不然吾以蠻彝蠢動不稱職故黜耳然代人未至吾方臨戰場當運糧積穀爲滅賊之資豈可以黜退之故而廢公家之務於是統攝不懈代到乃發馬忠因其成基以破殄胄丞相亮聞而善之亮出武功以翼爲前軍都督領扶風太守

姚佃字子緒爲廣漢太守丞相亮北駐漢中辟爲掾佃並進文武之士亮稱之

丞相亮連年出軍調發諸郡多不相救綿竹令呂乂募兵詣亮遷漢中太守兼領督農供繼軍實

亮南征自安上繇水路入越巂別遣馬忠從牂牁李恢向益州以犍爲太守廣漢王士爲益州太守高定元自旄牛定笮卑水多爲壘守亮欲俟定元軍衆集合并討之軍卑水定元部曲殺雍闓及士庶等以孟獲代闓爲主亮旣斬定元而馬忠破牂牁李恢軍南中夏五月亮渡瀘進征益州生鹵孟獲遂平四郡改益州爲建寧以李恢爲太守加安漢將軍領交州刺史移治味縣分建寧越巂置雲南郡以呂凱爲太守又分建寧牂牁爲興古郡以王伉爲太守移南中勁卒青羌萬餘家於蜀爲五部所當無前號爲飛軍勸

大姓富豪令出金帛聘榮惡彝爲家部曲得多者奕世襲官於是彝人貪貨物以漸服屬於漢成彝漢部曲

街亭之敗衆皆星散惟王平所領千餘人鳴鼓自持魏張郃疑有伏不敢逼故平得徐徐收合諸營率將士而還武侯旣誅馬謖及將軍張休李盛奪將軍黃襲等兵平特崇顯進位討寇將軍封亭侯

武侯軍向祁山時天水姜維詣武侯降武侯美維膽智辟爲倉曹掾使典軍實

武侯治蜀用法峻密陰聞何祇遊戲放縱不勤所職當掩往錄獄祇密聞之夜張燈火見囚讀諸解狀武侯晨往祇悉以暗誦答對解釋無所疑滯武侯甚異之出補成都令時郫縣令缺復令祇兼之

武侯駐漢中廣漢綿竹山賊張慕等抄盜軍資劫畧吏民武侯遣都尉張疑將兵討之斬慕等五十餘級渠帥悉殄

關興少有令聞武侯深器異之弱冠薦爲侍中中監軍

武侯北駐漢中請霍峻之子弋字詔先爲記室使與子喬共周旋游處及後主立太子瑋以弋爲中庶子瑋好騎射出入無度弋援引古義盡言規諫甚得切磋之體

武侯將北征往漢中慮後主富於春秋朱紫難別以董允秉心公亮任以宮省之事尋請允爲侍中領虎賁中郎將統宿衛親兵武侯以南陽郭攸之器業知名性素和順疏請備員

費詩隨武侯南行降人李鴻來詣武侯時蔣琬與詩在坐鴻日間過孟達許適見王冲從南來言往者達之去就明公切齒欲誅達妻子賴先主不聽耳達曰諸葛公見顧有本末終不爾也盡不信冲言委仰明公無復已已武侯謂琬詩曰還都當有書與子度相問

初亮以曹真欲三道向漢川命李嚴將二萬人赴漢中表嚴子豐爲江州都督典嚴後事亮當出軍命嚴以中都護署府事嚴改名爲平催督運事值天霖雨運糧不繼平遣叅軍狐忠督軍成藩喻指呼亮來還亮承以退軍平聞軍退乃更陽驚說軍糧饒足何以便歸又表後主說軍僞退欲以誘賊與戰亮具出其前後手策書疏本末平辭窮情竭首謝罪負於是亮表劾平廢平爲民徙梓潼郡後平聞亮卒發病死平常冀亮當自補復策後人不能故以激憤也

武侯將北征在漢中居後主宮於右秋木老難別以...

源外平間亮卒劉琦平當翼亮當自蘇財策發人不詣姑以燃  
滅本末平翰翰制敵首備罪負仗吳亮表修平烈平為吳林童  
與諷又表發主領軍劉晏於以藉規與輝亮具出其前於王表書  
能和平來戰亮承以吳軍平間軍吳江更劉翊領軍劉晏吳所以  
急平劉翊戰事節天霖雨戰豨不繼平發衆軍忠督軍吳翊會  
吳王表發督典劉翊事亮當出軍命遺以中階翊學事劉如谷

過龍門而思禹蹟適東魯而觀禮器地以人重所從來矣維忠  
武侯地靈人傑卧龍岡上響留梁甫之吟五丈原頭淚灑長星  
之殞非但征蠻伐魏所經歷王事堪書即讀書彈琴之憩遊遺  
踪足述豈可使湮沒無傳等於荆棘銅駝麋鹿姑蘇耶誌勝蹟  
勝蹟

諸葛城

在沂州卽武侯故里 廣輿志

卧龍岡

在南陽府城西南七里起自高山之南綿亘數百里至此截然而

往如巢然草廬在其內前有井淵然渟深曰諸葛井青石為牀有汲綆渠百十道數不能竭其下平如掌即公躬耕處

南陽府志

三顧橋

在南陽府城外西南三里許昭烈三顧草廬因名

議事堂

在新野縣學內世傳先主與徐庶議訪孔明在此堂

隆中

武侯家於南陽鄧縣在襄陽城西二十里號曰隆中

避暑臺

在襄陽府西伏龍山宅西又有三顧門

襄陽府志

劉琦臺

在襄陽府治東即琦與侯謀自安計登樓去梯處

葛井

襄陽府有孔明故宅有井深五丈廣五尺曰葛井堂前有三間屋地基址極高云是避暑臺宅西面山臨水孔明嘗登之鼓瑟為梁父吟因名此為樂山嗣有董家居此宅衰歿滅亡後人不敢復憇焉

祭風臺

在湖廣武昌府嘉魚縣赤壁下本志

碁盤嶺相公潭

碁盤嶺在寶慶府城南五里相傳武侯宴兵著碁於此有石盤廣六尺碁痕尙存邵水在府城北源出邵陽縣龍山經馬鞍山諸葛孔明廟下號相公潭深不可測至此濱水寶慶府志

侯憇山

耒陽縣侯計山一名侯憇山上有七十峰孔明嘗憇此籌計兵事

九州通志

諸葛寨

在德安府城東羅陂村舊傳諸葛武侯所立本志

古井

成都書臺坊武侯宅南乘煙觀內有古井井內有魚長六七寸往往遊於井上水必騰涌相傳以爲其井有龍也杜光庭錄異記

諸葛井

在成都府大慈寺西里許自上窺之祇見其三邊更一邊不知其際涯也昔孔明鑿此以通井絡王氣俗傳有人入井聞其中有雞

方輿勝覽

萬里橋

在成都縣南八十里費禕使吳孔明送之於此曰萬里之路始於此矣因名一統志

永安宮

夔州府永安宮今之府學也卽孔明受遺詔處一統志

朱提山

在犍爲屬國舊有銀窟數處孔明書朱提銀漢嘉金采之不足以自食漢志朱提銀以八兩爲一流流直千五百八十他銀一流直

千南中八部志

清井

在長寧縣北寶屏山下古老云昔諸葛登山記此處當出一寶石則產英賢及下山見井曰此足以當之矣輿地記勝云清井脈有二一自對溪報恩寺山趾度溪而入嘗夜有光如虹亂流而濟直至井所一自寶屏隨山而入謂之雌雄水初人未知有井彝人羅氏漢人黃姓者因牧而辨其鹽僉議刻竹爲牌浮於溪流約得之者以井歸之漢人得牌聞於官井遂爲漢有蜀廣記

觀音泉武侯塔

卧龍山一在敘州府城東北五里上有孔明祠有泉極清冷名觀音泉又有武侯塔在府之長寧縣治東侯所建以誓蠻者一統志



八陣臺

在夔州府武侯廟前下瞰八陣石磧夔人重侯以人日遊磧上

卧龍寺

夔州卧龍寺有武侯畫像宋張震立祠時物也

夔州志

劔閣

石牛道者山有小石門穿山通道六丈餘漢永平中司隸楊厥又鑿而廣之孔明以大劔至此有隘束之稱乃立劔門縣復於閣道置尉以守之常璩云閣道三十里至險晉書李特入蜀至劔閣顧盼險阻曰劉禪有此地而面縛於人豈非庸才耶

輿地廣記

劔門關

在劔州北境大劔山至此兩壁削聳有隘束之路孔明因立為劔門後姜維退守以拒魏鍾會即此武侯墓在沔陽縣東南十里又

東南八里有祠

保寧府志

武侯橋

在劔州治東

葛山

在保寧府梓潼縣北二十里孔明嘗屯兵於此因名上有武侯廟

保寧府志

卧龍坡

在順慶府鄰水縣武侯嘗寓此

一統志

大相公嶺

在雅州榮經縣西一百里相傳諸葛公征西南奔經此上有諸葛

廟雅州志

火井

臨邛縣有火井漢室之盛則赫熾桓靈之際火勢漸微孔明一窺

而更盛至景曜元年人以燭投即滅其後蜀併於魏異苑

七縱橋

在雅州榮經縣東十里孟山下相傳因孔明擒孟獲而名前臨大

江曰七縱渡又有孟獲城在司城東二里孟獲所築

一統志

武侯城

在四川行都司城南三十里瀘水東侯所築所謂五月渡瀘處瀘

州即擒孟獲之地有武侯廟在四川行都司城北五里宋紹興中

邵溥因舊鼎新榜曰天威廟

宋淳化中李順亂蜀招安使雷有終遣嘉州士人辛怡顯使於

南詔至姚州其節度使趙公美以書來迎云當境有瀘水昔諸

葛武侯誠曰非貢獻進討不得輒渡此水若必欲過須致祭然

後登舟今遺本部軍將賈金龍二條金錢三十文並設酒脯請先祭享而渡乃知南彝心服雖千年如初嗚呼可謂賢矣治顯雲南

故壘山

故壘山又二十里卽劔門關棧閣相望華陽國志曰諸葛相漢鑿石架空始爲飛閣以通行道通志

萬勝岡

在雅州西本志云武侯擒孟獲旋師至此岡下人聚觀之因建亭於上爲龍觀亭今爲龍觀寺

將軍池

在岳池縣東五里相傳侯嘗駐兵於此順慶府志

問津

廣元縣驛路有曰問津以孔明行師於此問津故名

小相公嶺

在邛都南四十里石磴崎嶇自麓至頂十五里武侯所開也

奴諾城

武侯征蠻所築憇軍之所蓋以奴諾川爲名也越嵩衛志

葛山

梓潼縣西南二十里有葛山又名卧龍武侯伐魏駐兵於此見虎豹蛇蟲勢惡自卧草中獸皆俯伏有古碑在此山之景福院

葛山志

蔡山

在雅州城東五里武侯征西南彝經此而夢見周公故又名周公山因立文憲王廟復勅境內俱祀周公

漢鄴縣

三國志云先主入蜀攻劉璋遣諸葛孔明等分定州郡畧地至鄴百姓以牛酒犒師於是會軍堂山即此地

蜀廣記

會軍山

在潼川州中江縣東南一百八十里孔明會軍於此

諸葛公營壘

西絕涪水有山曰栢下越葛營壘在焉而喬木婆娑者蔣公琰萬

秋之宅

涪川王讓記畧

吳君山

一名鐵櫃山橫亘江北與涪陵縣相望雄壓衆山俯臨長江屹立如櫃相傳武侯屯兵於此舊城猶存

龍透關

在瀘州南七里世傳爲侯所立其南七十里江安縣有安遠寨亦

侯征蠻於此屯駐宋元豐中置爲寨

烽山

在中江縣東南諸葛嘗會軍於此置烽火

潼州志

郁郛戍

武侯南征於敘州宜賓縣置郁郛戍後改爲郁郛縣

寰宇記

江陽

瀘州江陽縣蜀志曰魏武屯漢中諸葛孔明出屯江陽是也

平羌江

雅州平羌江源出西徼遶西北郭羌彝入寇諸葛於此平之

古志

漢陽山

在慶符縣八十里漢武帝通西南彝自此山之南皆漢地故云諸

葛武侯征蠻過此今崖壁上鐫武侯征蠻過道六字猶存

本志

熊耳水

一名熊耳峽古老言武侯鑿山開道卽熊耳峽東古道也

寰宇記

古城

在榮經縣西五里武侯征南屯兵於此唐李德裕增築

石樓

邛州沉黎縣卽孔明征蠻之路每十里作一石樓令鼓聲相應今

彝人效之所居悉以石為樓九州記

瀘峰山

瀘州寶山一名瀘峰山高三十丈地多瘴暑月瀘水難渡故諸葛孔明云五月渡瀘也

武侯城

瀘水在四川行都司城南一十里源出吐蕃南入金沙江其水深廣而多瘴鮮有行者春夏常熱其源可燂雞豚又水東有武侯城乃孔明所築所謂五月渡瀘即此一統志

馬湖江

南溪縣馬湖江從州西南流出東郭與蜀江合武侯五月渡瀘則此水之上流也通志

掇旗山

在納溪縣東四里孔明樹旗於此以誓蠻人故名一統志

都安堰

灌縣都安堰水旱從人世號陸海武侯北征以此堰農夫國之所資發征丁千二百人主護之有堰官水經

白萹菜

綿竹武都山上出甚美武侯所鑿李膺有記甚有錯訛高明校正

佛圖關

劉先主時都護李嚴大城江州週迴十六里欲鑿城後山自汶江  
通水入巴江使城為洲求以五郡置巴州丞相亮獨不許及亮北  
征召嚴漢中故穿山不逮然造蒼龍白虎門別郡縣倉皆有城按  
治西十里佛圖關左右顧巴岷二江是李正方砍鑿處斧迹猶存  
今府城為門十有七九開八閉以象九宮八卦

重慶府志

諸葛寨

在黎平府南隅又有諸葛寨在府城北一百里長官司西

本志

武侯城

在黎州城外三里武侯所築濠塹故壘存焉又有侯戰場在安清  
新寨

紅崖山

在永寧州募役司懸崖壁立萬仞山半有洞深數十丈相傳武侯  
駐兵之所

鐵柱

在趙州白崖城武侯擒孟獲紀功於此

諸葛洞

在龍州宣慰司南石崖屹立旁有石洞數步相傳諸葛公征九溪

營嘗過此留宿洞中石牀存焉懸粟一握以秣馬化為石粟至今

神之一云在平茶洞長官司一在鎮遠望城坡兩山陡立中夾一溪相傳武

侯征蠻鑿開運糧者明黔撫郭子章復開通直達黃平今復巨石

壅斷諺曰若要此洞開除非諸葛來旁有半蓮洞崖半有武侯石

刻像

諸葛營

在定海縣西二十里武侯討南中過髡州於日直北傍山下築營

彝稱望子洞基址尚存楚雄府志

東山

在府城東十里林木蒼翠一名飽煙蘿山其西有武侯塔相傳公

征南駐兵之所後人建塔於上

孔明壘

姚安軍民府東有孔明壘侯開路時屯兵於此

諸葛山

在通海縣東南三里孔明南征駐兵於此俱一統志

諸葛寨

在龍里孔明寨司

諸葛營



在宜良縣南小石嶺亮嘗營於此又名諸葛峒中廣德初鳳伽異  
築柘東城故有諸葛公石刻文曰碑卽什蠻爲漢奴彝畏誓嘗以  
石搯搯俱通志

大諸葛堰小諸葛堰

在金齒指揮使司城南一十五里皆有灌溉之利

武侯旗臺

武侯廟在司城南一十里諸葛公擒孟獲屯營於此民懷其德立  
祠祀之至今土人自稱爲諸葛之遺民因名諸葛村其東東嶽堰  
內一土墩週迴三十餘丈高六尺隨水高下雖盛潦不沒俗謂之

武侯旗臺

金齒軍民司志

鹽井

諸葛鹽井有十四自山下至山上其十三井常空盛夏水漲則鹽  
泉迤邐遷去於江水之所不及東坡詩五行水本鹹安擇江與井  
如何不相入此意誰復省人心固難足物理偶相逞猶嫌取未多  
井上無閒綆紀異

諸葛禁地

陳三謨明時開府滇中以堪輿家言自命初卜昆明一區欲移墓  
府剗草得小碑云諸葛禁地皆鎔生鐵錮之又白沙驛形勝稱最

而皆蠢彝陳訝之往尋龍脉已掘斷亦有小碑曰諸葛禁地中允黃輝

大銅釘

大華山是滇西之會合處皆大銅釘鎮之每一釘拔則彝必有變者此渡瀘時勾當作事真有神耶述異錄

涇灘

在江安縣南三十里灘上有山刺天瀑布飛灑相傳武侯誓蠻之地此唐涇南縣所為設也寰宇記

籌筆驛

在利州即今保寧府廣元縣北八十里武侯出師籌畫於此九州通志

銅鼓山

在廣西柳州府融縣西二十里舊傳武侯散埋銅鼓以魘獠人後有得於是山者故名一統志

九隆山

在永昌軍民府城南山有九嶺九隆兄弟遺種世居此山之下武侯南征時鑿斷山脉以泄其氣述異錄

定軍山

在沔縣東南十里兩峰對峙漢昭烈於此山下作營斬魏夏侯淵

山有諸葛巖上有兵書匣其山壁立萬仞非人迹可登其下有八

陣圖又有督軍壇鄉人云每陰雨時上有擊鼓聲九州通志

明顧東橋云凡兩經其地初視其匣色淡紅後則鮮若更新殆

不可曉

五丈原

在鳳翔府郿縣西三十里又云在岐山縣南又云在武功縣諸葛

公據渭南與魏司馬懿相拒屯兵於此有落星村卽長星墜營處

有諸葛祠元時建西川廣記

斜谷關

在郿縣西南三十里谷之南口曰褒北口曰斜卽孔明出師處三

交城在鳳翔府寶雞縣西四十里魏司馬懿與孔明相拒於此築

城

石鼻寨

在寶雞東四十里武侯所築以拒郝昭一名石鼻城自北入蜀者

至此漸入山自蜀趨涪者至此已出山奔河於此見渭河俱一統志

諸葛壘

在秦州東二里俗謂下募城傍有司馬懿壘俗謂上募城魏太和

中諸葛公攻天水使懿拒之卽此古志林

木門

在秦州西南九十里魏張郃追諸葛公於此中飛矢死鞏昌府志

箕山

在褒城縣北十五里山有秦王獵池及內穴道入谷諸葛公遣鄧芝趙雲等據箕谷即此

興勢山

在洋州北二十里山形如盆外甚險盤道以上諸葛公嘗戍於此後魏興勢山以此名

陳倉城

在寶雞縣東二十里有二城相連上城秦文公築下城魏將郝昭築孔明出兵攻圍二十餘日無利乃引去以上鳳翔府志

陳倉道

在沔縣東北二十里由百丈坡入山今塞武侯出散關圍陳倉即此一統志

赤崖

在府城西諸葛公嘗與兄瑾書云云別見

赤阪

在洋縣東二十里其地色赤建興五年武侯出兵屯漢中築城於

成固駐兵於赤阪卽此古志林

黑水

在成固縣西北諸葛賤云朝發南鄭暮宿黑水

蓮池

在沔縣治北其畔有孔明讀書亭遺址每遇花時縣人遊玩

思計臺

在鳳縣南孔明嘗籌畫於此俱漢中府志

祁山

在鞏昌府西和縣七里山上有城極嚴固武侯率諸軍攻之縣又

有南北呀二呀有萬餘家孔明表言祁山去沮五百里有人萬戶

瞻其邱墟信爲殷矣古志林

祭天臺

孟獲據佛光寨去大理百五十里守關隘諸葛武侯南征不得入

乃繇漾澤而北破佛光駐軍大理盡覽形勝以定規畫後有壇壝

名祭天臺父老相傳爲武侯祭天畫卦之所遺迹宛然

武侯祠廟

洪武二十一年定帝王廟從祀名臣風后等三十七人諸葛亮與  
焉一諸葛忠武祠在衡州府東北二里石鼓山爲孔明宅昭烈

牧荆州時孔明駐臨徵調賦以供軍實後廟食於此宋重建張栻  
作記又耒陽縣東北四十里有相公山侯嘗駐兵於此因名 一  
諸葛武侯祠在景陵縣白湖村去縣一十五里 一先主武侯廟  
在成都府城南二里舊在惠陵右附諸葛武侯廟洪武初合廟祀  
之 一武侯廟在成都府西南二里今爲乘烟觀孔明表云薄田  
十頃桑八百株卽此地孔明初亡百姓遇節朔各私祭於道上景  
耀六年春詔爲廟於沔陽李雄稱王始爲廟於少城內桓温平蜀  
夷少城獨存孔明廟後封武興王廟至今禋祀不絕 一照烈祠  
左右侍側者後主北地王諸葛丞相關張兩侯丞相子瞻俱合爲

一祠 一諸葛武侯祠舊在夔州西山歲久摧圯永嘉王詹事卽  
夔日移置陣磧淳熙漕使張著庭重修 一武侯廟在八陣圖之  
卧龍山上時州理白帝故少陵詩云猶有西郊諸葛廟卧龍無首  
對江濱也有堂曰開濟堂瀆山何者仲假守舉而新之因訪善本  
重肖侯像巫山尉任份來董事春二月乙亥落成 一諸葛武侯  
廟在瀘州寶山之瀘峰每歲蠻人貢馬必相率拜於廟 一武侯  
廟在眉州境內彭山縣東北二十五里象耳山 一武侯廟在龍  
州宣尉東一百八十里初州人以鄧艾嘗經於此立廟祀之宋知  
州洪咨夔毀其像更以諸葛諭其民曰毋事仇讐而忘父母 一

諸葛公祠在臨安府因孔明征南中威信所加蠻皆心服爲立祠

一諸葛武侯廟在祁山縣南五丈原元時建 一孔明廟在南

陽縣東北博望鎮南隱山頂上 一武侯廟在四川行都司城北

五里宋紹興中郡守邵溥因舊鼎新榜曰天威廟 一廟在襄陽

府城西伏龍山唐封武靈王賜廟宋賜英惠廟加號仁濟 一廟

在襄陽府西北二十五里隆中山侯隱居於此後人因建廟祀之

一武侯廟在寶慶府城東南二里武岡州治西亦有廟宋淳祐

間建 一諸葛孔明廟在邵陽縣馬鞍山 一武侯祠在南陽府

卧龍岡卽侯躬耕處舊爲祠以奉之元至大中建書院程鉅夫作

記嘗有道士居夜聞兵聲懼而移之明宣德中有司復新其廬塑

其像春秋祭祀前代碑文俱存書院久廢 國朝重建 一天社

任淵記云昭烈廟西少南又有別廟忠武侯在焉老柏參天氣象

甚古詩人嘗爲賦之是矣今武侯祠在百花潭與草堂並列者不

知何代增設 一武侯祠在貴州會城南涵碧潭釣鰲磯上南明

河水鳴會城必有回祿之厄明郭撫軍立以障水 一武侯祠在

木密關祠前有唐時銅馬一古柏參天大數圍道傍碑云武侯平

蠻會盟於此 一諸葛武侯祠在海寧城東北名曰顧廟蓋取草

廬三顧之義前有銀杏樹蒼古如畫枝皆西南向其東北出者亦

必連蜷鬱屈轉而向西南樵夫牧豎勿敢剪伐

武侯祠前柏

成都先主廟側有武侯祠前有柏樹喬柯鉅圍蟠固凌拔杜甫有歌段文昌有文記其事勒諸石唐末漸枯瘁王孟二僞國不復生宋乾德五年枯柯復生至皇祐初千二百餘年矣新枝聳雲枯幹並存天矯若虬龍之形

儒林公議

益州廟柏葉

益州諸葛廟中大柏相傳是漢世所植故人多採其葉以作藥味甚甘香異常柏也

本草

義井

在夔州府武侯所鑿侯處城中無水乃接筒引泉入城後夔守無藝以權水取錢至宋待制王龜齡罷之

曹彬視碑

宋曹彬建隆二年為都監伐蜀謁武侯祠視宇第雄觀頗有不平謂左右曰孔明雖忠於漢然疲竭蜀之軍民不能復中原之萬一何得為武當因其頹敗者折去之止留其中以祀香火左右皆諫不可俄報中殿摧塌石碑彬驚視之出土尺許石有刻字宛若新書乃孔明親題也其云測吾心腹事惟有宋曹彬讀訖下拜曰公



神人也小子安能窺測哉遂令蜀守新其祠宇為文祭之而去

孔明石碑

耒陽有孔明石碑孔明斬雍闓擒孟獲經耒陽立石以紀功歲久字不可辨相傳立石誓曰後有功在吾上立石於右宋狄青破儂智高立碑其右尋為震雷所擊今存斷碑橫卧其側

山川記異

紀功碑銘

史萬歲征西南彝至南中行數百里見諸葛紀功碑銘其背曰萬歲之後勝我者過此萬歲先令左右倒其碑後廼進軍破三十餘部諸彝請降遂勒石頌德

迴瀾塔

成都東門外沿江十里有鎖江橋橋畔有迴瀾塔明萬歷中布政余一龍所修崇禎十六年張獻忠破蜀後登塔見成都城池宮殿曰此不利於城命毀之修築將臺穿地取磚至四五丈得一石礎上有篆言云修塔余一龍拆塔張獻忠歲逢甲乙丙此地血流紅妖運終川北毒氣播川東吹簫不用竹一箭貫當胸漢建興元年丞相諸葛孔明記

鐵罇

隋時蜀郡福緣寺釋僧淵以錦水江波沒溺者衆欲於南路駕飛

橋昔諸葛公指二江內造七星三鐵罇長八九尺徑三尺許人號  
鐵鎗擬打橋柱用訖投江須便祈祠方可出水淵造新橋將行豎  
柱其罇自然浮水來至橋津及橋成又自投水

高僧傳

老人村

老人村即老澤也在青城北百三十里昔諸葛亮遷羣獠於山下

故名

圖經

苗人負重

滇中苗人及熨麼之屬擔負貨物項戴半木枷徒行亦不暫脫相  
傳武侯定南蠻設此號令羣彝使其不敢與漢人為伍以別貴賤

